



Broj: 05/1-50-13-29-29/12

Sarajevo, 19.11.2012.

ZAPISNIK

29. sjednice Nezavisnog odbora Parlamentarne skupštine BiH

Sjednica je održana 19.11.2012., s početkom u 13.30 sati.

Sjednicu je sazvao Žiko Krunić, predsjednik Nezavisnog odbora.

Sjednici su prisustvovali: Žiko Krunić, predsjednik Nezavisnog odbora, Bakir Dautbašić, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Zijad Kadić, Stanko Nuić, Viktor Dadić, Ljubomir Kuravica, Enes Obralića i Dragan Savić, članovi Nezavisnog odbora.

Sjednici je prisustvovala Alma Salkić-Mijić, sekretar Nezavisnog odbora.

Sjednicu su pratili: Dijana Šatara i Senad Zlatar, predstavnici OHR-a, i Medina Delalić iz Sektora za odnose s javnošću Sekretarijata Parlamentarne skupštine BiH.

Predsjednik Nezavisnog odbora Žiko Krunić konstatirao je da postoji kvorum za rad i otvorio sjednicu.

Nezavisni odbor jednoglasno je usvojio predloženi

DNEVNI RED

1. Usvajanje Zapisnika 28. sjednice, održane 10. 10. 2012.;
2. Razmatranje Informacije u vezi s internim oglasom za unapređenje, akt Državne agencije za istrage i zaštitu broj: 05/1-50-13-29-28/12;
3. Tekuća pitanja:
 - Zabilješka sa sastanka članova Nezavisnog odbora s direktorom Državne agencije za istrage i zaštitu.

Ad.1. Usvajanje Zapisnika 28. sjednice, održane 10. 10. 2012.

Predsjednik Nezavisnog odbora Žiko Krunić otvorio je raspravu o ovoj tački dnevnog reda.

S obzirom da nije bilo primjedbi, Zapisnik 28. sjednice, održane 10. 10. 2012., usvojen je jednoglasno.

Ad.2. Razmatranje Informacije u vezi s internim oglasom za unapređenje, akt

Državne agencije za istrage i zaštitu broj: 05/1-50-13-29-28/12

Predsjednik Nezavisnog odbora Žiko Krunić u uvodu je podsjetio članove da je direktor Državne agencije za istrage i zaštitu postupio u skladu sa zaključkom sa 28. sjednice Nezavisnog odbora i dostavio informaciju u vezi s internim unapređenjem u Državnoj agenciji za istrage i zaštitu. Također je naglasio da su članovi Nezavisnog odbora Enes Obralijski, Viktor Dadić i Dragan Savić posjetili Državnu agenciju za istrage i zaštitu u svojstvu izvjestilaca o ovom predmetu. Prije otvaranja rasprave o ovoj tački dnevnog reda, predsjednik Nezavisnog odbora istaknuo je da se iz informacije koju je dostavio direktor Državne agencije za istrage i zaštitu može zaključiti da je u vezi s ovim predmetom pokrenut upravni spor pred Sudom BiH i da je njegovo mišljenje da treba sačekati odluku Suda BiH u ovom predmetu. Otvorio je raspravu o ovoj tački dnevnog reda.

Članovi Nezavisnog odbora koji su određeni za izvjestioce u ovom predmetu Enes Obralijski, Viktor Dadić i Dragan Savić upoznali su članove Odbora o tome da su, na sastanku s direktorom Državne agencije za istrage i zaštitu, primili pisanu informaciju u vezi sa žalbom na postupak internog oglasa za unapređenje i da o ovom pitanju, osim navoda iznesenih u tom aktu, nemaju dodatnih informacija.

Član Nezavisnog odbora Zijad Kadić konstatirao je da je žalba u vezi s internim oglasom za unapređenje anonimna, te da Nezavisni odbor o svojoj odluci nema koga obavijestiti.

Na kraju su članovi Nezavisnog odbora jednoglasno odlučili da će sačekati odluku Suda BiH u vezi s predmetnom žalbom.

Ad.3. Tekuća pitanja

- Zabilješka sa sastanka članova Nezavisnog odbora s direktorom Državne agencije za istrage i zaštitu

Predsjednik Nezavisnog odbora u uvodu je podsjetio da su članovi Nezavisnog odbora Enes Obralijski, Dragan Savić i Viktor Dadić posjetili Državnu agenciju za istrage i zaštitu i održali sastanak s direktorom te agencije Goranom Zupcem. Otvorio je raspravu o ovoj tački dnevnog reda.

U raspravi su Dragan Savić, Enes Obralijski i Viktor Dadić ukratko informirali članove Nezavisnog odbora o posjeti Državnoj agenciji za istrage i zaštitu, uz napomenu da su dobili zabilješku sa sastanka uz poziv za ovu sjednicu.

Predsjednik Nezavisnog odbora naglasio je da u okviru ove tačke dnevnog reda želi podsjetiti kako je Nezavisni odbor pružio podršku Državnoj agenciji za istrage i zaštitu

kada su izvedene operativne akcije Lutka i Boss. Također je naglasio da smatra da nisu postignuti dovoljno dobri rezultati na otkrivanju krivičnih djela iz oblasti privrednog kriminala i korupcije. Dodao je da su krivična djela koja spadaju u oblast korupcije veliki problem društva, te naveo da Državna agencija za istrage i zaštitu treba učiniti više na otkrivanju ovih krivičnih djela.

Usvojen je **zaključak** da Nezavisni odbor uputi dopis kojim će informirati rukovodioce Državne agencije za istrage i zaštitu da je raspravljano o njenim aktivnostima, uz napomenu da se od ove agencije očekuju bolji rezultati u istraživanju i otkrivanju krivičnih djela iz oblasti privrednog kriminala i korupcije.

Članovi Nezavisnog odbora primili su k znanju Zabilješku sa sastanka članova Nezavisnog odbora s direktorom Državne agencije za istrage i zaštitu Goranom Zupcem.

Sjednica je završena u 14.30 sati.

Sekretar
Nezavisnog odbora
Alma Salkić-Mijić

Predsjednik
Nezavisnog odbora
Žiko Krunić